

محل مطبعه و اداره :

جفال اوغلنده امنيت

صندوغى جوارنده

شنگول يقوشنده

۲۲ نومرو

مستطابق

۱۳۲۶

امطار :

مسلكمزه موافق آثار

جدیده مع الممنونیه

قبول اولنور

درج ایدلهین آثار اعاده اولنماز

دیر ، فلسفه ، علوم ، ادبیات و سیاسیات و بالخاصه احوال و شؤون اسلامیه در بحث ایدر و هفته ده بر نشر اولنور :

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلاؤین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندربیلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیانی	غروش
۶۵	۳۵	۳۵
۶۰	۳۰	۳۰
۱۷	۹	۹

عدد : ۱۰۸

۲۵ رمضان المبارک پنجشنبه ۱۶ ایلول ۳۲۶

بشنجی جلد

ارسال بیوریان - صراط مستقیم - مجله شریفه سی و اصل دست افتخار اولدی .

بنده لری « سمرقند مطالعه خانه اسلامیسی » نه وضع ایتدیم . قرائتخانه اعضالرینک بی نهایت ممنونیت لرینه باعث و مطبوعات جدیده قاره لرینه فائده بخشا اولدی . هیئت معارف پرورانه لرینه بنده لرله برابر عرض تشکر و احترام ایتیمه بی واجبات دن عد ایدر لر .

دارالخلافة علیه « صان الله تعالى عن البلیة » علماء ذوی الاحترامیندن بوجهت مسلمانلرینه بومرحت و عاطفت ، عظمی بر هدایت واعلی بر التفات در .

کچن سنه کتابچی « مهران » وساطتیه مجله غرادن سمرقند مطالعه خانه سیچون نصف سنه لک آتونه اولوب فیضیاب اولمشدک ، اما مؤسسه نک فقر کیسه سی قطع آتونه یه سبب اولمشیدی . ایشته تشنه لبان علم وفی بومو هبت اعظمی لری سیراب عرفان و مدیون شکران ایتدی .

سمرقندک اوفه حق ترقی پرور جمعیتک متفرق اعضالری رشید افندی حضرت لرینه لطفاً عرض سلام ایتیمه بی التفات لرینه بناء اداره مقدسه صراط مستقیم دن رجا ایدیور . اثر عجزیمی محتوی اولان آلتی نسخه رسائل مطبوعه و حکومتک جریده رسمیه سی اولان - ترکستان ولایتی ننک کزیتی - دن اداره شریفه یه تحفه نیتله بو مکتوبله برابر پوسته یه تسلیم قیلندی . قبول و کوزدن کچیر یلسه کندیمه شرف عد ایلرم . بورانک احواله دائر بعضی شایر یازماغی مع الافتخار ننس عاجزی التزام ایدیور .

یالکیز قصورات و تأخیر اتمزی عفو بیورمقلری موجودر باقی : صراط مستقیم هیئت تحریریه سنک دوام عمرو عافیتی و ثبات مسالکینی استدعا والارینی اویمه بی جناب باریدن تمنی ایتمکله ختم مقال ایلرم . والسلام والا کرام اولواو آخرا . سمرقند دارالقضا مقتیلرندن

سمرقند - غره رمضان ۱۳۲۸ - محمود خوجه ابن بهبود خوجه

صراط مستقیم . - مفتی جنابلرینک لطفاً اداره مزه هدیه بیورمقلری کتب و جرائد واصل اولدی . ملتد اشترینه بویله نافع اثرلر یازمه یه موفق اولدقلرندن دولایی ، مفتی جنابلرینی تبریک و بزه برر نسخه سنی اهدا ایلرملرندن ناشی ده بالخاصه تشکر ایلرز .

مطبوعات

استقراض اطرافنده

صوک کونلرک ، استانبول کونده لکلی ، اچ چوق استقراض اوزرینه یازیور . مسأله حد ذاتنده هیچ ده خوشدکل . نرالنزلر ، کندیلرندن پاره ایسته یین نظرلریمزه آغیر شرائط تمکینف ایتمشلر ، اولر بو شرائطه راضی اولماینجی ، قیزمشلر ، پاره ویرمیه چک اولمشلر . ایش بونکله ده قالمیور : یوزلرینه شدتی قیو قیاندینی جالده ، ینه وضع احترامی محافظه یه مجبور صاندقلری تورکلرک آثار حیات

کوستروب ، محافظه حیثیت قیدنده بولندقلرینی کوردکلری زمان ، استقراضله هیچ بر مناسبت وروابط ظاهریه سی اولمایان بر سوری مسائلی اورتایه آتوب ، دولت عثمانیه یی اخافیه قالدیشیورلر . ایشته شمندی وضعیت بویله : فرانسه جریده لری ، متصل ، آفریقاده کی قوتلرندن بحث ایلر طرابلس غربی تهدید ایده بیلر چکلرینی ، یاخود لوران دو توبینی شانلی سفرینی اخطار ایلر ینر اطلر دکزینه کله بیلر . چکلرینی افهام ایتک ایستیورلر .

فقط ، بیلیم هانکی بر ملتک بر ضرب مثلی وار : خیرسز شر یوق ، دیورلر . اساساً خیر اولمایان بو استقراض مسأله سندن بعض خیری نتایج تولدی پک محتمل . از جمله کور کورینه طابندیمنز فرانسه یوقی اپی زده لندی . بوسبوتون خراب اولوب پارچه لرینک یرده و کله سی ، یاقیندر کی کلیور .

ثانیاً ، استقراض تحویلاتنک پاریس بورس سنه قبول اولمیه جنی خبری ، چوق کیمسه لره ، خاییده اولمقله برابر پک صحیح بر تعبیر ایلر صوئوق دوش تأثیرینی اجرا ایتدی . هر کسه بر آیققلق ، بر اویانقلق کلدی . بو حس تأثیر سائقه سیله درکه جریده لریمزدن بریسی ، شوپک آییق سطرلری یازیور :

« اخلاق وعفت حسلرینه تمایله بیگانه مؤسسه لک صاتون آلدقلری آدمار بزم الک صمیمی ، الک ملی ایشلر مزه قدر تقیدات و مؤاخذاتده بولونمغه کندیلرندن صلاحیت کور بیورلر ، علمیمزده آغیز دولوس شتملر صرف ایدیورلر . بزم بوکا قارشی یابه بیلدیکمز بیگانه مقابله ایسه غزته لرله جواب ویرمک اولیور ! حالبوکه بویله تجاوزلر لاف ایلر دکل فعل ایلر جواب ویریلر واک مسکت جواب بویله سی اولور . عثمانلی ملتی بوکون بو متجس و زلر قارشی ، سزک پاره کزه احتیاجز یوق ! جوانی ویرمک قدر کندیسندن متانت ، عزم وجدیت بولامازسه یکی تورکیه نک اسکی تورکیه یه بکزمه مدیکی ادعای نرده قالیر ؟ یکی تورکیه نک اسکی تورکیادن فرق یونانلیر کی یالکیز بول بول آتوب طوتمق ، ایش صیراسی کلنجه فدا . کارلقدن چکیممکی اولاجق ؟

عین مقاله نک بر آز یوقاریسنده آچی ، فقط پک طوغری شو سطرلری اوقیوروز :

« هر وسیله ایلر حیثیت ملیه دن ، استقلال اقتصادیمزدن ، یکی تورکیانک اسکی تورکیه یه بکزمه مدیکندن بحث ایدیوروز . بوکا قارشی اجنبی غزته لرینک بزه سویله یه بیلر چکلری بر شی وار ، بسببلی عقللرینه کلیمزده سویله میورلر ، فقط بالطبع اونی اعماق وجدانیمزده یانیچی بر صدای مؤاخذه کی بزم حس ایتمکدن کری قالمایوروز .

حیثیتی اولان ، استقلال اقتصادیمسی محافظه ایتک ایسته یین بر آدم کیدرده کندیسینی بو قدر حقارته معروض بولوندیر برمی ؟ انه قلم آلان راست کله بر غزته یی فرانسه ده یازی یازمغه بزی نانکوردلک انهامیله باشلا یور . سویله دبکی الک خفیف سوز بو اولیور . اصل نانکوردلک بوسطرلری یازانلرده اولمقله برابر کندی خطامز ، کندی ... آچیچه سنی سویله لم ، کندی هیتمزلکمز نتیجه سی اوله رق بوتحقیراته هدف اولدیغیمز انکار ایده یلمیزی ؟ چونکه بزم بودجه می توازن ایتدیرمک ایچون المزدن کلنی پامش اولسه ایتک بوکون تحقیرات و تجاوزاته هدف اولمیه چق ایتک . اعتراف ایتلی بزمکه بوبابده المزدن کلنی پامداق .

ذاتاً بزم عامزدور ، برایش صوک درجه یه کلدکجه متنبه اولمایم . جریحه دار اولمش غرور ملینک آجیسیله اورتایه چیر چلاق آتلش بو حقایق انتقادکارانه یی ولی ایدن « تصرف و ویر کو تدبیری بزم اساس اعتبار

شایان قبول کورونیمور؛ چونکه بونک قبولی دور سابقک اصول مالیسنه قسماً رجوع دیمکدر. عینی کونک «صبح» ی ده «عثمانی سرمایه سیله بر بانه تأسیسی» مقاله سیله بر چاره کوستریور :

« بزه شمدی احتیاجات عاجله منری تسویه مدار اوله بیله جک بر واسطه لازمدرکه استقلال وحیتمیزی محافظه ایده بیله لم . بزجه بو واسطه ملی بر بانه حقیقی بر عثمانی بانه سی تأسیس ایتمکدر .

واقعا مملکت مزده عثمانی ملی عنوانلری تحت مزده بانه لموجود ایسه ده بونلر اساساً اجنبی مؤسسه لیدر . شوراسنی یقیناً بیله ملی بزکه اجنبی پاره سی دائماً منسوب اولدینی دولتک خارجییه نظارتک کیسه سی ایچنده در . خارجییه ناظرلری کیسه لریک آغز لری آچدجه هیچ بر اجنبی دولت اوکیسه دن استفاده ایده منری . دیمک که مملکت مزده موجود اولان عثمانی نامی آلتنده کی شوا یکی بانه بزم استقلال مالی منری تأمین ایده جک بر درجه ده دکدر . او حالده کندی مز حقیقی بر عثمانی بانه سی پابعی یز . بونکلیفه بر جوق کیسه لر کوله جکدر . ووهله اولاده بزده بر بانه آچه جق پاره نرده ده دیه جکلر ؟ حالوکه بزده درت بش ملیون لیرا سرمایه ایله بر بانه آچه جق قدر پاره اولدینه بن قانم . بوادعی اثبات ایچون شهر مزده موجود اولان بتون بانه لری کوستریورم . بو بانه لرده کشاداییدیان تصرف صندوقلر نده عثمانی پاره سی اولق اوزره اوچ ملیون لیرایه قریب بر پاره واردر .

معلوم اولدینی اوزره اشبو تصرف صندوقلری یوزده ایکی بچق اوچ فائضه اعظمیسی یوز الی لیرا اولق اوزره پاره قبول ایلیورلرکه بوباره لرده آنجق احادناس طرفندن مذکور صندوقلر وضع اولنیور . تجارتلرله زنگینلر منک بانه لرده حساب جاریلری ، مودوع آچه لری بومبلغه داخل دکدر . دیگر طرفندن امنیت صندیغه هرکون ایکی الی ایکی بیک بشیوز لیرایه قریب بر پاره تودیم اولنیور . ایسته یقیناً بیلدیکم شومقدارلری صایقندن صکره طن ایدرایسه م فکرمه آرتق کیسه کوان .

صواشهرق ، وحدت سیاسییه تأسیسی خارقه منی بکامک غفلتندن عالم اسلام پک بعیددر .

بومطالعات خائفانه نک شمدی اعلانه لزوم حسن اولندیغنی محرر مقاله آتیده کی سطرلرله ایضاح ایتمک ایستیور :

اوروپانک چینیه عطفله بر بلای اصغر تصور ایدیخی قییلندن اولهرق عالم اسلامک وسعتیه ، مسلمینک حسن اخوتنه باقرق کنندیسی ایچون آتیه سیاسی بر خطر تصور ایتمی بچامیدر ؟

اشته بومسئله معضله بی بوکون بوروندیکی ردای مهیمتدن تجرید صورتیله شکل حقیقیسنده تصویر وتسوید ایتمک ، هم ابنای وطنه ایفای خدمت ، همده حق مزده پرورده ایدیلن ذهابک صیفیشوب قلمش اولدینی دائرة محدودیه بخش ضیا ووسعت ایده جکنه و غلط تفهملری ازاله ایلیه جکنه اعتقاد ایدنلردیم .

هایدی بومطالعات ایله ، ابنای وطنه خدمت « ایدیله بیلسون دیه لم ؛ فقط حق مزده پرورده ایدیلن ذهابک تقدیر اولنه جکنه غلط تفهملرک ازاله ایدیله جکنه » بزهیچده معتقد دکلر . چونکه « غلط تفهم » طبیعی اولهرق حاصل اولمش دکدر ، بلکه اوروپالیلر ، کنندی ایشارینه کلیدیکی ایچون قصداً او « غلط تفهم » لری ایجاد ایتمشاردر .

ظاهر خیرالدین بک افندی امین اولسونلرکه اتحاد اسلام فکرینک سرابمی ، کردابمی ، طیف کریزانمی ، حقیقت نور افشانی اولدیغنی اوروپالیلر بزم قدر وبلکه بزنده زیاده بیلورلر . اولنرک بونی یالان یا کایش اورتیه سورمه لری بیامسه ملرندن دکل ، بلکه معلوم حکایه ده قوردک قوزییه یاپدینی کی ظاهری بر بهانه کوسترمک ایسته ملرندن در . بو بهانه لرده برینه جواب ویرلدکجه ، دها غیر معقول ایکنجی بریسی اورتیه آتیور . بوتون ایش قوت وضعفده در . ضعیف قالدنقچه ، قویلری دلائل ایله اقناعه اوغراشمنق ، بیهوده زمان اولدیرمکدر .

بخارا استقلالنه سوء قصد

ایکی اوچ سنه دن بری روس محافل و مطبوعاتنک بر قسمی ، تورکستانده نیم استقلاللرینی محافظه ایتمش بخارا وخیوه خانقلرینک روسیه ولایتی حالته ارجاعنی طلب ایتمکده درلر آوستریا ، بوسنه وهرسکی ، ژاپونیا قوردهنی الحاق ایتدکن صکره بونلرک اشتهاری دها زیاده قباردی : بر تاتار غزته سنک دیدیکی کی روسلرده شمدی « قوتلیک طاسلامق » ایستیورلر کچن اغستوسک ۱۴ نده ، بخازانک روسیه حمایه سی آلتیه کیردیکنک ۴ نجی سنه دوریه سی اولق مناسبتیه تورکستانک مرکزی اولان طاشکندده مناشر « تورکستان پوسته سی » بر سوری مقاله لر یازازق ، دها زیاده وقت کچیریلمه یوب بخارانک روسیه یه الحاقی توصیه وطلب ایتمکده در .

تورکستان پوسته سی « مقاله لرندن بریسنده شویله دیور :

« بز ۴۰ سنه دن بری بخارایه رفق ایله معامله ایدبیورز ، بخارالیلر بو معامله مزدن ، بزم ضعیف لک مزه قانع اولوبورلر . آرتق ، بزده قوی اولدیغمنی اظهار واثبات ایدلم . بخارا دها ۴۰ سنه اول مو ایدیلیمک

استقراض طولایسیله اتحاد اسلام

فرانسزلرک قارفارهنندن ، شمدی پک موده یه کیرمش بر تعبیرایله « بلوف یامه لرندن » اورکن « اقدام » رفیقمز ، بر قاج کوندر « استقراض طولایسیله » باش مقاله لر یازازق ، حکومتیه بر نوع رجعت تعبیه سی تکلیف ایتدیکی کی ، ینه « استقراض طولایسیله » اتحاد اسلام فکرینک تدقیق و تنقیدینه لزوم کوریور . مثلاً کچن بازار کونکی نسخه سنده ، سرابمی ؟ کردابمی ؟ « سرلوحه ملی بر مقاله ده شومطالعه لری کوریورز :

شو حالده ، اون اوچ عصر دنبری عالم اسلامک سراب کی ادراکی متمدر کورین وحدت اداره سی قضیه منی بر طرف ایدرک بواداری کثرت ایچنده بر وحدت آرامق لازم کلیرکه ، اوده ذاتاً دین مبین اسلامک تأسیس و تلبین ایتدیکی حسن اخوتدن بشقه برشی اوله من . چار اقطار جهانیه طاغلمش برعائله افرادی بیننده جاری اولان یکوجودلک حسنک خارجه جچه من . یکدیگره اوزادیله جق دست معاونت ، عالم اسلامک ترفینندن بشقه زمانزده برغایه معقوله به ایره من . آراده بر مانع یوق ایکن بیله وحدت سیاسییه یی پایدار ایتمک کفی کلین بو حزمه مصافحه دن ، بوکون ، دریالری الکالری آشهرق ، وعادتا عناصرله